



Broj: 03-03-05-14904/17
Sarajevo, 08.11.2017. godine

Ministarstvo pravde i uprave Kantona Sarajevo rješavajući po zahtjevu Sindikata doktora medicine i stomatologije Kantona Sarajevo za upis promjena u Registar udruženja, na osnovu člana 33. stav 2. Zakona o udruženjima i fondacijama ("Službene novine Federacije Bosne i Hercegovine", broj 45/02), donosi

R J E Š E N J E

1. Upisuje se u Registar udruženja kod Ministarstva pravde i uprave Kantona Sarajevo promjena Statuta Sindikata doktora medicine i stomatologije Kantona Sarajevo, broj: 03-03-05-13761/16 od 08.12.2016. godine, sa sjedištem u Sarajevu, ulica Vrazova broj 11, upisano u Registar udruženja koji se vodi kod Ministarstvo pravde i uprave Kantona Sarajevo, rješenjem broj: 03-03-05-13761/16 od 08.12.2016. godine, pod registarskim brojem 2194., knjiga V registra.

Danom ovjere Odluke o izmjeni Statuta Sindikata doktora medicine i stomatologije Kantona Sarajevo, broj: 03-03-05-14904/17 od 08.11.2017. godine, ista postaje sastavni dio Statuta Sindikata doktora medicine i stomatologije Kantona Sarajevo, broj: 03-03-05-13761/16 od 08.12.2016. godine.

2. Sindikat doktora medicine i stomatologije Kantona Sarajevo dužan je Ministarstvu pravde i uprave Kantona Sarajevo prijaviti promjenu statuta, naziva, sjedišta, djelatnosti, lica ovlaštenog za zastupanje i predstavljanje, članova organa upravljanja, pripajanje, razdvajanje ili transformaciju i prestanak rada udruženja u roku od 30 dana od dana izvršene promjene.

3. Za izdavanje ovog rješenja Sindikat doktora medicine i stomatologije Kantona Sarajevo je dužan uplatiti iznos od 100,00 KM takse i 100,00 KM naknade za upis promjena u Registar udruženja, na žiro račun broj: 3380002210019263.

O b r a z l o ž e n j e

Sindikat doktora medicine i stomatologije Kantona Sarajevo, dana 30.10.2017.godine podnio je Ministarstvu pravde i uprave Kantona Sarajevo zahtjev za upis promjena u Registar udruženja, koji se odnosi na promjenu statuta udruženja.

Uz zahtjev za upis promjena u Registar udruženja (obrazac broj 6.) i prijavu promjene djelatnosti, statuta i članova upravnog tijela (obrazac br. 7.), priložena je sljedeća dokumentacija: Odluka o izmjeni Statuta Sindikata doktora medicine i stomatologije Kantona Sarajevo, zapisnik i spisak delegata sa Skupštine Sindikata doktora medicine i stomatologije Kantona Sarajevo, održane 21.09.2017. godine.

Cijeneći dokaze Sindikata doktora medicine i stomatologije Kantona Sarajevo dostavljene uz zahtjev za upis promjena u Registar udruženja od 30.10.2017. godine utvrđeno je da su ispunjeni zakonski uslovi za upis promjena u Registar udruženja, pa je na osnovu člana 33. stav 2. Zakona o udruženjima i fondacijama ("Službene novine Federacije BiH", broj 45/02) i Pravilnikom o načinu vođenja registra udruženja i fondacija i stranih i međunarodnih nevladinih organizacija ("Službene novine Federacije BiH", broj 61/02), odlučeno kao u dispozitivu Rješenja.


Rješenje se izdaje uz naplatu takse u skladu sa članom 19. tarifni broj 36. Zakona o administrativnim taksama ("Službene novine Kantona Sarajevo", br. 30/01- Prečišćeni tekst, 22/02, 10/05, 26/08 i 23/16) i uz naknadu za upis udruženja, a shodno Rješenju o visini naknade za upis u Registar udruženja broj 03-02-312/03 od 10.01.2003. godine na žiro račun broj: 3380002210019263.

Pouka o pravnom lijeku

Ovo rješenje je konačno, te protiv njega nije dopuštena žalba, ali se može pokrenuti upravni spor, tužbom kod Kantonalnog suda u Sarajevu u roku od 30 dana od dana prijema ovog rješenja. Tužba se podnosi u dva istovjetna primjerka, a uz istu se prilaže i ovo rješenje u originalu ili prepisu.

MINISTAR

Mario Nenadić



Dostaviti:

1. Sindikatu doktora medicine i stomatologije
Kantona Sarajevo,
Ulica Vrazova br.11, Sarajevo,
2. Federalnom ministarstvu pravde,
3. Zbirci isprava,
4. Poreznoj upravi FBiH,
Porezni ured Sarajevo-Ul.Husrefa Redžića 4,
5. Arhivi.



web: <http://mpu.ks.gov.ba>

e-mail: pravda@ks.gov.ba

Tel: + 387 (0) 33 562-083. Fax: + 387 (0) 33 562-241

